



ADMINISTRACIÓN LOCAL

MUNICIPAL

NARÓN

Secretaría

Modificación da Ordenanza municipal do Concello de Narón sobre a protección e tenza de animais de compañía e de animais potencialmente perigosos

ANUNCIO

O Pleno do Concello de Narón, na sesión ordinaria realizada o día 24 de abril do 2025 aprobou inicialmente a modificación puntual da Ordenanza municipal do Concello de Narón sobre a protección e tenza de animais de compañía e de animais potencialmente perigosos. A dita aprobación inicial foi publicada no BOP número 87, do 9 de maio do 2025, co obxecto do seu sometemento a información pública por un prazo de trinta días.

Unha vez transcorrido o prazo anterior, e analizadas as alegacións presentadas, o Pleno do Concello de Narón, na sesión ordinaria do 31 de xullo de 2025, acordou aprobar definitivamente a modificación da Ordenanza municipal do Concello de Narón sobre a protección e tenza de animais de compañía e de animais potencialmente perigosos, e incorporar algunha das alegacións presentadas no trámite de información pública.

Así, o texto definitivo da dita modificación puntual da Ordenanza municipal do Concello de Narón sobre a protección e tenza de animais de compañía e de animais potencialmente perigosos, que entrará en vigor unha vez transcorrido o prazo sinalado no artigo 65.2 da Lei 7/1985, do 2 de abril, reguladora das bases do réxime local, ten a seguinte redacción:

ARTIGO 9

(...)

6. Ademais, o Concello poderá delimitar e regular o uso das áreas e espazos abertos onde os cans, que non teñan a consideración de potencialmente perigosos, poderán ir ceibos, aínda que supervisados en todo momento polos seus propietarios, de acordo coas seguintes condicións:

a) En consonancia coas competencias establecidas na lexislación autonómica de benestar animal, corresponde a Autoridade municipal a delimitación e regulación do réxime de uso das devanditas áreas. A súa determinación efectuarase por resolución da alcaldía, previa emisión dos informes dos servizos municipais que se estimen precisos, a fin de garantir o mantemento das zonas propostas, a seguridade pública e viaria e o benestar animal. Estes servizos municipais deberán comunicar á alcaldía calquera incidencia que poida dar lugar a deixar sen efecto tales delimitacións.

b) Para garantir o gozo do espazo público por parte da cidadanía en xeral, a delimitación destas áreas sinalizadas determinará así mesmo a fixación de limitacións horarias precisas, que haberán de resultar de público coñecemento e difusión, a fin de garantir que todas as persoas usuarias destes espazos sexan coñecedoras das novas condicións de uso.

c) A reincidencia en calquera falta leve ou a comisión de calquera das infraccións graves ou moi graves previstas nesta ordenanza ou na Lei 4/2017, do 3 de outubro, de protección e benestar dos animais de compañía de Galicia, sancionada por resolución firme, suporá a perda do dereito a gozar de levar o can ceibo por parte do infractor. No suposto de incumprimento, levar o can ceibo nestas zonas delimitadas considerase unha infracción, a cuxo fin elevarase o expediente que se substancie ao organismo competente da administración autonómica. En calquera suposto, o dereito a gozar de levar o can ceibo non suporá en ningún caso permitir o libre acceso do animal a outros animais ou o contacto sen permiso con persoas ou cousas, o que seguirá sendo constitutivo de infracción.

7. Nos espazos sinalados no apartado 6 deste artigo, e coa finalidade de premiar e potenciar as condutas cívicas exemplares (propietarios e cans que contén cunha acreditación de ter superado con éxito o Programa Cidadán Canino Exemplar; isto é propietarios de cans donos e guías responsables en posesión da certificación que acredite que o can posúe a educación e o comportamento social adecuado para manter unha convivencia adecuada e ser membros fiables e educados no entorno familiar e das cidades onde habiten), poderán gozar do uso desas zonas sen limitación horaria, sendo requisitos adicionais os seguintes:

a) A requirimento dun axente da autoridade deberase mostrar a acreditación sinalada no apartado anterior, constituíndo unha infracción leve a esta ordenanza non mostrala.

b) A comisión dunha infracción desta ordenanza ou da Lei 4/2017, do 3 de outubro, de protección e benestar dos animais de compañía de Galicia, sancionada por resolución firme suporá a perda do dereito a gozar desta condición.

c) A falta dunha regulación específica na materia, serán válidos as certificacións dos programas de bo cidadán canino que cumpran os seguintes requisitos:

1. Estean deseñados de forma homoxénea e estandarizada.
2. Conten cun programa de auditoría e/ou control que garanten estes aspectos.
3. Que estean amparados por unha entidade e/ou asociación profesional de carácter autonómico, estatal e/ou internacional ou pola normativa sectorial.
4. Aos efectos de poder levar os cans ceibos polas áreas ou espazos previamente delimitados, as certificacións terán unha validez de 5 anos. Transcorrido o dito prazo, deberán renovarse co gallo de acreditar que se seguen a cumprir os mesmos requisitos.

ARTIGO 17

(...)

17.1

k) Non adoptar as medidas necesarias para impedir que o animal poida acceder libremente ás vías ou aos espazos públicos ou privados (agás naqueles lugares públicos onde devandito acceso estea autorizado de acordo co sinalado nesta ordenanza); así como non impedir o libre acceso do animal a outros animais ou o contacto sen permiso con persoas ou cousas, así como non impedir a entrada do animal en recintos ou lugares non autorizados.

(...)

s) Non mostrar a acreditación sinalada no artigo 9.7 cando sexa requirida por un axente da autoridade.

O que se publica para coñecemento xeral e para os efectos oportunos.

Narón, 1 de agosto de 2025

A alcaldesa

Asdo.- Marián Ferreiro Díaz

2025/5155